



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 109.Turcarum expeditio in Moldaviam

[urn:nbn:de:hbz:466:1-66459](#)

S. Martini septentibus antea ferreis, ar-Sæcul. XV.
genteos subrogaturum. Id etiam exsol- A.C 1476.
vit Anno Domini millesimo quadringen-
tesimo septuagesimo nono, constructis cla- *Vid. edit.*
thris, quorum pondus constituebant sex *Comm. ann.*
millia septingentæ septuaginta sex selibræ *1723. in*
argenti, duæ unciæ dempta octava drach- *5. volum.*
mæ parte; ita testatur Auctor vitæ S. Marti-
ni recens conscriptæ. Porro hic Viennensis
Archiepiscopus idem ipse est, ad quem
Comminæus persæpe in suis relationi-
bus sermonem convertit, ejusque vitæ
historiam ad calcem suorum operum ad-
jecit.

§. CIX.

Turcarum expeditio in Moldaviam.

Cardinalis Papiensis hoc anno Mense Ju- *Papiens.*
lio ad Mantuanum Cardinalem scribens epist. 648.
significat, instructum fuisse a Mahomete II.
exercitum quingentorum millium Turca *Michov. lib. 4*
rum, eosque in Moldaviam descendere *cap. 71.*
parates esse. Ex Scriptoribus quoque *Crom. lib. 28.*
Polonis intelligimus, Moldaviam ab ipsis
quoque Tartaris invasam fuisse, ac Ste-
phanum Vaivodam seu Palatinum, de
cujus insigni victoria dictum est anno su-
periori, obviam illis processisse, eisque
ingenti clade fugatis, opimam prædam
reportasse. Nihilominus Mahometes
trajecto Danubio ubique infesta signa

P p 2 intu,

Sæcul. XV. intulit, & quamvis Stephanus variis
A.C. 1476. præliis ad triginta Turcarum millia truci-
cidasset, levis tamen erat ejusmodi
jactura in tanto infidelium exercitu: præ-
terea Moldavi, sive quod viribus suis dif-
fisi, sive Palatino suo haud amplius pari
affectu ac studio addicti essent, unice ad
suos reverti contendebant, hanc ob rem
& ipse Stephanus se benigniori fortunæ
servare cogebatur: Turcæ autem de-
prædati nonnullis Provinciis Poloniæ
finitimis ad sua quoque revertebantur,
forte quod Casimirum, qui adversus eos
movebat, pertimescerent, aut pestilentia
& famis vi, qua non sine ingenti strage
absumebantur, secedere compellerentur,
sive denique quod hiems appropinqua-
set, & classis, quæ novam militiam, &
machinas ad expugnandas munitiones
subvehiebat, sæva tempestate disjecta, ac
pene integra periisset.

§. CX.

*Regis Hungariæ vana jaſtantia de
Turcarum recessu.*

Papiens.
epist. 656.

Matthias Hungariæ Rex, ubi cognovit
Mahometis exercitum recessisse,
Turcam a se pulsum fuisse, solita sua jaſ-
tantia ubique divulgabat. Idem quo-
que nimia facilitate credebant ipse sum-
mus Pontifex, omnesque Principes, po-
puli,